


«ТАСДИҚЛАЙМАН»
«GROSS суғурта компанияси» АЖ
Бошқаруви раиси

О. Х. Назаров
24 апрел 2024 йили



**«AVTO-MED» БАХТСИЗ ҲОДИСАЛАРДАН СУҒУРТА ҚИЛИШ УЧУН
ОММАВИЙ ОФЕРТА**

Ушбу «AVTO-MED» бахтсиз ҳодисалардан суғурта қилиш учун оммавий оферта (бундан буён матнда Оферта деб юритилади) «GROSS SUG'URTA KOMPANIYASI» АЖнинг (бундан буён матнда Суғурталовчи деб юритилади) қуйида келтирилган шартларда Суғурталовчининг ахборот тизимлари воситасида «AVTO-MED» бахтсиз ҳодисалардан суғурта қилиш шартномасини (бундан буён матнда Суғурта шартномаси деб юритилади) тузиш юзасидан номаълум доирадаги жисмоний ва юридик шахсларга (бундан буён матнда Суғурта қилдирувчи деб юритилади) йўлланган таклифи бўлиб ҳисобланади.

Ушбу Оферта шартларининг қабул қилиниши ва шартлашилган суғурта мукофотининг тўланиши унинг шартларини акцептлаш ҳамда Суғурта қилдирувчининг суғурта шартномасини тузишга розилиги бўлиб ҳисобланади. Суғурта қилдирувчи томонидан суғурта мукофоти тўланганлиги факти тасдиқланганидан кейин унга Суғурта полиси ушбу Офертага иловада келтирилган шакл бўйича электрон кўринишда юборилади ва Суғурта шартномаси тузилган деб ҳисобланади.

Бунда Суғурталовчининг мажбуриятлари Суғурта полисида унинг амал қилиши муддатини бошланиши сифатида кўрсатилган санадан эътиборан соат 00:00:00 да кучга киради. Суғурта қилдирувчи ва Суғурталовчи Суғурта шартномасининг тарафларидир.

Ўзбекистон Республикаси Фуқаролик кодексининг 370-моддасига мувофиқ Оферта юборилган шахснинг «Оммавий оферта шартларига розиман» тугмасини босган ҳолда уни қабул қилинганлиги ҳақидаги жавоби акцептлаш (сўзсиз қабул қилиш) деб ҳисобланади ва у билан қуйидагиларга розилик ифодаланади:

✓ ушбу Оферта шартлари, шу жумладан унда баён қилинган суғурта шартларига розилик;


✓ суғурта шартномасини бажариш ва ички ҳужжатлар айланмасини таъминлаш мақсадида аризани тўлдириш чоғида қайд этилган шахсларнинг шахсга доир маълумотлари билан автоматлаштирилган ёки автоматлаштирилмаган тарзда ишлов бериш йўли орқали ишлашга, жумладан уларни йиғиш, тизимлаштириш, консолидация қилиш, сақлаш, аниқлаш, улардан фойдаланиш, уларни эгасиз қилиб қўйиш, блоклаш, йўқ қилишга (йўқ қилинганлиги ҳақида билдиришномасиз), шунингдек уларни учинчи шахсларга беришга розилик.

Суғурта шартномасини тузиш учун Суғурта қилдирувчининг телефон рақами (ёки электрон почта манзили) мавжудлиги, шунингдек Суғурталовчининг интернет ресурсида онлайн режимда платформа талаб қилинади.

«Оферта», «Суғурта қоидалари», «Суғурта шартномаси» ва «Суғурта полиси» ҳаволалари бундан буён матнда ушбу Офертага нисбатан бир хил аҳамиятга эга бўлади.

1-БЎЛИМ. УМУМИЙ ҚОИДАЛАР

1.1. Ушбу Оферта Ўзбекистон Республикасининг қонунчилигига мувофиқ, шунингдек умумий суғурта соҳасининг I класс бўйича «Бахтсиз ҳодисалардан суғурта қилиш» қоидалари



асосида ишлаб чиқилган бўлиб, транспорт воситасида бўлган ва/ёки ундан фойдаланаётган шахсларни бахтсиз ҳодисалардан ихтиёрий суғурта қилиш тартиби ва шартларини белгилаб беради.

1.2. Ушбу Офертага кўра Суғурталовчи шартлашилган суғурта мукофоти эвазига ва суғурта ҳодисаси юз берган тақдирда, суғурта қилинган шахснинг ҳаёти ва/ёки соғлиғига йўл-транспорт ҳодисаси (ЙТХ) натижасида етказилган зиён ўрнини Суғурта полисида кўрсатилган суғурта суммаси доирасида қоплаш мажбуриятини зиммасига олади.

2-БЎЛИМ. АТАМАЛАР ВА УЛАРНИНГ ТУШУНЧАЛАРИ

Ушбу ҳужжатда фойдаланилган барча атамалар ва тушунчалар мазкур Офертада улар учун баён қилинган таърифга эга. Офертада тушунчага (атамага) таъриф мавжуд бўлмаган тақдирда, уларнинг таърифи Ўзбекистон Республикасининг норматив-ҳуқуқий ҳужжатларига мувофиқ аниқланади.

2.1. **Суғурта полиси (Полис)** – суғурта шартномаси тузилганлиги ва Суғурталовчи мажбуриятларини кучга кирганлиги фактини тасдиқлайдиган, Суғурта қилдирувчига у суғурта мукофотини тўлаганидан кейин бериладиган ҳужжат. Полис ушбу Офертага Иловада келтирилган шакл бўйича Суғурталовчи томонидан бир томонлама тартибда расмийлаштирилади.

2.2. **Суғурта ҳодисаси** – Суғурта даврида содир бўлган, ушбу Офертада назарда тутилган ҳодиса бўлиб, у юз бериши билан Суғурталовчида суғурта тўловини тўлаш мажбурияти юзага келади.

2.3. **Йўл-транспорт ҳодисаси (ЙТХ)** – транспорт воситаси йўлда ҳаракатланиши жараёнида юзага келган, бунинг натижасида Суғурта қилинган шахс вафот этган ёки унинг соғлиғига зиён етказилган ҳодиса.

2.4. **Транспорт воситаси** – одамларни, юкларни ташиш ёки махсус ишларни бажариш учун мўлжалланган қурилма.

2.5. **Йўл** – транспорт воситаларининг ҳаракатланиши учун қурилган ёки мослаштирилган ва фойдаланиладиган чизиқсимон ер бўлаги ёхуд сунъий иншоот юзаси. Йўл автомобил йўлларини, шаҳар электр транспорти йўлларини ва тротуарларни ўз ичига олади.

2.6. **Суғурта суммаси** – Полисда кўрсатиладиган ва ўзи билан Полис бўйича Суғурталовчи мажбуриятларининг энг кўп ҳажмини ифодалайдиган пул маблағлари суммаси.

2.7. **Суғурта мукофоти** – Суғурта қилдирувчи Суғурталовчига Полисда ва ушбу Офертада белгиланган тартибда ва муддатларда тўлаши шарт бўлган суғурта учун тўлов.


2.8. **Суғурта тўлови** – ушбу Офертада назарда тутилган суғурта ҳодисаси (ҳодисалари) юз берганида Суғурталовчи томонидан Суғурта қилинган шахсга/Наф олувчига ёки уларнинг қонуний меросхўрларига персонал суғурта суммаси доирасида тўланадиган пул маблағлари суммаси.

2.9. **Суғурта даври** – Полисда кўрсатилган, Суғурталовчининг суғурта ҳимояси бўйича мажбуриятлари амал қиладиган вақт даври.

2.10. **Суғурта қилинган шахс** – транспорт воситасининг ичида бўлган, мулкый манфаатлари унинг ҳаёти, соғлиғи ва меҳнатга лаёқатлиги билан боғлиқ ҳолда суғурта объекти бўлган ва Полис унинг фойдасига расмийлаштирилган жисмоний шахс. Суғурта қилинган шахс ҳақидаги маълумотлар Полисда кўрсатилади.

2.11. **Наф олувчи** – Суғурта қилинган шахс вафот этган тақдирда, агар Суғурта қилинган шахс ёки Суғурта қилдирувчи томонидан бошқача қоида белгиланмаган бўлса, Суғурта қилинган шахснинг қонуний меросхўрлари Ўзбекистон Республикасининг амалдаги қонунчилигига кўра Наф олувчилар деб тан олинади. Агар бошқача қоида белгиланмаган бўлса, Суғурта қилинган шахснинг ўзи барча бошқа тўловлар бўйича Наф олувчидир.

2.12. **Бахтсиз ҳодиса** – Суғурта қилинган шахснинг иродасига боғлиқ бўлмаган,



тасодифан, қисқа муддатда юз берадиган ҳодиса бўлиб, у одам организмига ташқаридан таъсир қилади ва травматик шикастланишни ёхуд соғлиқни бошқача тарзда бузилишини келтириб чиқаради.

2.13. Тан жароҳати – енгиб бўлмайдиган, тасодифан, очиқ-ойдин бўлган ташқи таъсир натижасида тўғридан-тўғри, бошқа сабабларга боғлиқ бўлмаган ҳолда етказилган организм жисмоний яхлитлигининг бузилиши. У касалликларни ўз ичига олмайди, бундан мазкур таъсир ёки унинг оқибатларидан тўғридан-тўғри ва мутлақ келиб чиқадиган касалликлар мустасно.

2.14. «Соғлиқнинг бошқача тарзда бузилиши» остида қуйидагилар тушунилади:

а) куйишлар, портлашлар, яшин уриши ёки электр токи таъсирида олинган тан жароҳатлари;

б) кимёвий (саноат ёки маиший) моддалар билан заҳарланишлар ва/ёки заҳарли ва/ёки куйдирувчи моддалар, буғлар ёки газлар билан нафас олганда ёки уларга текилганида юзага келадиган куйишлар;

в) совуқ уриши, чўкиш, тажовузкор шахслар ёки ҳайвонларнинг ҳужум қилиши, офтоб уриши, нафас йўлларига бегона жисмни тасодифан тушиши, заҳарли ўсимликлар билан тасодифан ўткир заҳарланиш, шунингдек ҳар қандай транспорт воситаларининг (автомобил, поездлар, трамвай ва бошқаларнинг) ҳаракатланишида ёки улар ҳалокатга учраганда, машиналар, механизмлар ва бошқа турдаги асбоб-ускуналардан фойдаланганда олинган шикастланишлар.

2.15. Соғлиқнинг турғун шикастланиши (ногиронлик) – Суғурта қилинган шахснинг умумий меҳнат лаёқатини тўлиқ доимий йўқотилиши билан аниқланадиган, даволаш жараёнида турғун ва қайтмайдиган табиатга эга бўлган, суғурта даври мобайнида юзага келган, ушбу Офертада назарда тутилган бахтсиз ҳодиса оқибатларидан келиб чиқадиган ҳолати.

2.16. Суғурта ҳудуди – Ўзбекистон Республикасининг ҳудуди.

3-БЎЛИМ. СУҒУРТА СУБЪЕКТЛАРИ

3.1. Ўзбекистон Республикасининг резидентлари ва норезидентлари бўлган жисмоний ёки юридик шахслар ушбу Оферта доирасида Суғурта қилдирувчилар бўлиши мумкин.

3.2. 1 ёш ва ундан катта ёшдаги Ўзбекистон Республикасининг фуқаролари, чет эл фуқаролари, шунингдек фуқаролиги бўлмаган шахслар ушбу Офертага кўра Суғурта қилинган шахс бўлиши мумкин.

3.3. Тиббий хулоса билан тасдиқланадиган I гуруҳ ногиронлиги бўлган шахслар, доимий парваришга муҳтож бўлган шахслар, руҳий касалликларга чалинган ва/ёки руҳий ҳолати бузилган шахслар Суғурта қилинган шахслар бўла олмайди. Агар Полис бундай шахсларга нисбатан расмийлаштирилганлиги аниқланса, бундай Полис у расмийлаштирилган кундан эътиборан ҳақиқий эмас деб тан олинади.


4-БЎЛИМ. СУҒУРТА ОБЪЕКТЛАРИ

4.1. ЙТҲ оқибатида Суғурта қилинган шахснинг ҳаёти ва соғлиғига зиён етказилиши билан боғлиқ бўлган, Ўзбекистон Республикасининг қонунчилигига зид келмайдиган мулкый манфаатлар ушбу Офертага кўра суғурта объектидир.

5-БЎЛИМ. СУҒУРТА ҲОДИСАСИ

5.1. Ушбу Офертага мувофиқ суғурта даврида ва суғурта ҳудуди доирасида содир бўлган, ЙТҲ оқибати бўлган қуйидаги воқеалар суғурта ҳодисасидир:

5.1.1. Суғурта қилинган шахснинг тан жароҳати олиши ва/ёки соғлиғининг бошқана



тарзда бузилиши;

5.1.2. Суғурта қилинган шахсга суғурта даврида биринчи бор содир бўлган ногиронликни белгиланиши. Ушбу бандда ногиронликнинг белгиланиши остида ваколатли давлат органи томонидан берилган маълумотномага кўра Ўзбекистон Республикасининг қонунлари ва бошқа норматив-ҳуқуқий ҳужжатларига мувофиқ тиббий экспертиза стандартлари бўйича малакаланадиган ҳолат тушунилади. Суғурталовчи ногиронлик гуруҳи белгиланиши факти, сабаблари ва ҳолатларини текшириш ҳуқуқини ўзида сақлаб қолади.

5.1.3. Суғурта қилинган шахснинг вафот этиши.

5.2. 5.1.1, 5.1.2 ва 5.1.3-кичик бандларда назарда тутилган, ЙТХ юз бериши кунидан эътиборан олти ой ичида, шунингдек Суғурта полиси амал қилиши тугаганидан кейин олти ой ичида юзага келган ЙТХ оқибатлари ҳам ушбу Офертага кўра қопланади, аммо бунда ЙТХ суғурта даврида ва ҳудуди доирасида юз берган бўлиши шарт.

6-БЎЛИМ. ИСТИСНОЛАР

6.1. Ушбу Офертага кўра, мазкур Офертанинг 5-бўлимида кўрсатилган, қуйидагилар тўғридан-тўғри ёки билвосита сабаб бўлган воқеалар суғурта ҳодисаси деб тан олинмайди:

- Суғурта қилинган шахс томонидан мотоцикллар, мопедлар, скутерлар, квадроцикллардан фойдаланиш пайтида бошқа транспорт воситаси билан тўқнашиши фактисиз олинган шикастланишлар;

- суғурта ҳодисаси билан бевосита сабаб боғланишида бўлган, Суғурта қилинган шахс томонидан қасддан жиноят содир этилиши натижасида юз берган травматик шикастланиш ёки соғлиқнинг бошқача бузилиши;

- ўз жонига қасд қилишга уриниш ёки ўзига қасддан тан жароҳатлари етказиш;

- Суғурта қилинган шахс транспорт воситасини бошқаришга ҳуқуқи учун тегишли ҳужжатларга эга бўлмаган ҳолда уни бошқарганида ЙТХ оқибатида олинган шикастланишлар;

- уруш ва ҳар қандай турдаги ҳарбий ҳаракатлар ёки ҳарбий тадбирлар ва уларнинг оқибатлари, бошқа ҳудди шундай ёки уларга тенглаштирилган воқеалар (уруш эълон қилинганидан қатъи назар), фуқаролар кўзғолони ёки ҳарбий кўзғолонга, исёнга, ҳокимиятни қуролли ёки бошқа ноқонуний эгаллаб олишга айланиб кетишини назарда тутадиган исён, фитна, ҳар қандай фуқаролар ғалаёнлари, иш ташлашлар, шунингдек қурол ва ўқ-дориларни қўллаш ва/ёки сақлаш билан боғлиқ ҳар қандай бошқа шунга ўхшаш воқеа, жумладан террорчилик ҳаракати;

- ядро портлаши, радиация ва радиоактив зарарланиш.

7-БЎЛИМ. СУҒУРТА СУММАСИ, СУҒУРТА МУКОФОТИ ВА УНИ ТЎЛАШ ТАРТИБИ

7.1. Ушбу Оферта шартларига кўра Суғурта суммаси ва Суғурта мукофотининг миқдори Суғурталовчи ва Суғурта қилдирувчи ўртасидаги келишув билан Суғурталовчининг тариф ставкаларига мувофиқ аниқланади ва Суғурта полисида кўрсатилади.

7.2. Суғурта мукофоти Суғурта қилдирувчи томонидан бир йўла тўлов билан Суғурталовчининг ҳисобварағига пул маблағларини ўтказиш йўли орқали тўланади.

8-БЎЛИМ. СУҒУРТА ШАРТНОМАСИНИ (ПОЛИСИНИ) ТУЗИШ, ЎЗГАРТИРИШ ВА БЕКОР ҚИЛИШ ТАРТИБИ

8.1. Суғурта шартномаси ушбу Оферта асосида Суғурта мукофотини кейинги тўлаган ҳолда Суғурталовчининг ахборот тизимига суғурта қилинган шахс(лар) ҳақидаги маълумотларни Суғурта қилдирувчи томонидан киритиш ва Суғурта қилдирувчига Полис бериш йўли билан тузилади.

8.2. Полисда суғурта ҳодисаси юз беришига қадар бирор-бир нотўғри, шунингдек



ҳақиқий бўлмаган хабар ёки маълумотлар аниқланган тақдирда, бундай Полис Суғурта қилдирувчининг ёзма аризаси асосида Суғурталовчи томонидан қайта расмийлаштирилиши мумкин. Бошқа ҳолларда, шу жумладан суғурта ҳодисаси юз берганидан кейин Полисда нотўғри, шунингдек ҳақиқий бўлмаган хабар ёки маълумотлар аниқланган тақдирда, бундай Полис қайта расмийлаштирилмайди.

8.3. Суғурта даври тугамаган Полис тарафлардан бирининг – Суғурта қилдирувчи ёки Суғурталовчининг аризасига кўра қуйидаги шартларни ҳисобга олган ҳолда бекор қилиниши мумкин:

8.2.1. Суғурталовчининг ўз мажбуриятларини бузишдан келиб чиққан ҳолда Полисни бекор қилиш талаб қилинган тақдирда, тўланган суғурта мукофоти тўлиқ ҳажмда қайтарилиши лозим, бундан Полис бўйича суғурта товони тўланган ёки тўланиши лозим бўлган ҳоллар мустасно. Бундай ҳолларда тўланган суғурта мукофоти қайтарилмайди.

8.2.2. Суғурта қилдирувчи томонидан Полисни ушбу Офертанинг 8.2.1-бандига тааллуқли бўлмаган сабабларга кўра бекор қилиш талаб қилинган тақдирда, тўланган суғурта мукофоти қайтарилмайди.

8.2.3. Суғурта қилдирувчининг ўз мажбуриятларини бузишдан келиб чиққан ҳолда Полисни бекор қилиш талаб қилинган ёки Полис ушбу Офертанинг 3.3-бандига мувофиқ ҳақиқий эмас деб тан олинган тақдирда, тўланган суғурта мукофоти қайтарилмайди.

9-БЎЛИМ. СУҒУРТА ДАВРИ

9.1. Суғурта даври суғурта мукофоти тўланган кундан кейинги келадиган кундан эътиборан соат 00:00 да бошланади. Бунда Суғурталовчининг ҳисобварағига пул маблағлари ўтказилган кун суғурта мукофоти тўланган кун деб ҳисобланади.

9.2. Суғурта даври Полисда кўрсатилган Суғурта даври тугаган санага қадар амал қилади.

10-БЎЛИМ. ТАРАФЛАРНИНГ ҲУҚУҚ ВА МАЖБУРИЯТЛАРИ

10.1. Суғурта қилдирувчи қуйидаги ҳуқуқларга эга:

а) Суғурталовчидан Полис ва ушбу Оферта бўйича мажбуриятлар бажарилишини талаб қилиш;

б) Суғурталовчининг суғурта масалалари бўйича маслаҳатларини олиш.

10.2. Суғурта қилдирувчи қуйидагиларни бажариши шарт:

а) Полис тузилганида Суғурта қилинган шахсни ва Наф олувчини суғурта шартлари, уларнинг ҳуқуқ ва мажбуриятлари билан таништириши;

б) суғурта ҳодисаси юз бериши эҳтимолини олдини олиш учун ўзига боғлиқ бўлган барча чораларни кўриши шарт.

10.3. Суғурталовчи қуйидаги ҳуқуқларга эга:

а) Суғурта қилдирувчи ва Суғурта қилинган шахсдан (Наф олувчидан) ушбу Оферта бўйича мажбуриятлар бажарилишини талаб қилиш;

б) агар Суғурта қилдирувчи/Суғурта қилинган шахс/Наф олувчи қуйидагиларни бажармаса, тўловни рад этиш:

- Суғурталовчига содир бўлган ЙТХ ҳақида ўз вақтида хабар бермаган бўлса;

- содир бўлган ҳодисани Суғурта ҳодисаси деб тан олиниши учун, шунингдек бундай ҳодисани юз берган натижа (олинган шикастланишлар ва бошқалар) билан сабаб боғлиқлигини аниқлаш учун зарур бўлган ҳужжатлар ва маълумотларни тақдим этмаган бўлса ёки олдиндан била туриб ёлғон далилларни (маълумотларни) тақдим этган бўлса;

в) Суғурта қилдирувчи томонидан хабар қилинган ахборотни, шунингдек Суғурта қилдирувчи томонидан суғурта талаблари ва шартлари бажарилишини текшириш.

10.4. Суғурталовчи қуйидагиларни бажариши шарт:



а) Суғурта қилдирувчига (Суғурта қилинган шахсга) Полисни Суғурталовчининг банкдаги ҳисобварағига Суғурта мукофоти келиб тушганидан кейин бериши;

б) Суғурта ҳодисаси юз берган тақдирда, Суғурта қилинган шахсга (Наф олувчига) ушбу Офертада белгиланган тартибда ва муддатларда Суғурта тўловини тўлаши шарт.

10.5. Суғурта қилинган шахс қуйидаги ҳуқуққа эга:

а) Суғурта ҳодисаси юз берганида ушбу Оферта бўйича қабул қилинган мажбуриятларнинг Суғурталовчи томонидан бажарилишини талаб қилиш.

11-БЎЛИМ. СУҒУРТА ДАЪВОЛАРИНИ КЎРИБ ЧИҚИШ ТАРТИБИ

11.1. Суғурта ҳодисаси белгиларига эга воқеа юз берганида Суғурта қилдирувчи (Суғурта қилинган шахс/Наф олувчи) қуйидагиларни бажариши шарт:

а) имкон қадар дарҳол, аммо суғурта ҳодисаси белгиларига эга воқеа юз берган пайтдан эътиборан 30 (ўттиз) кундан кечикмай Суғурталовчига мазкур воқеа юзага келишига таъсир кўрсатган сабаблар ва ҳолатларни кўрсатган ҳолда ёзма аризани юбориши;

б) Суғурта қилдирувчи томонидан ушбу Офертанинг 11-бўлимида кўрсатилган ҳужжатлар 3 (уч) календар оyi ичида узрсиз сабабларга кўра тақдим этилмаган тақдирда, Суғурталовчи содир бўлган воқеани суғурта ҳодисаси деб тан олмасликка ва суғурта таъминотини тўлашни рад этишга ҳақли.

11.2. Суғурта қилдирувчи, Суғурта қилинган шахс ёки Наф олувчи суғурта даъвоси кўриб чиқиши учун қуйидаги ҳужжатларни тақдим этиши керак:

11.2.1. Суғурта қилинган шахс тан жароҳати олганда ва/ёки соғлиғи бошқача тарзда бузилганда:

а) суғурта полиси;

б) шахсини тасдиқловчи ҳужжат;

в) тиббиёт муассасасидан ташхис, сабаблар ва шу кабилар баён қилинган ҳолда маълумотнома;

г) агар Суғурта қилинган шахс/Наф олувчи транспорт воситасини бошқарган бўлса, ЙТХда алкоголь, наркотик восита ёки токсик модда таъсири остида мастлик ҳолати мавжуд эмаслиги ҳақида тиббий хулоса.

11.2.2. Суғурта қилинган шахс соғлиғи турғун бузилганда (ногиронликда) –

11.2.1-банди бўйича тақдим этилган ҳужжатларга қўшимча равишда ногиронлик даражаси кўрсатилган ҳолда ваколатли давлат органининг хулосасини Суғурталовчига тақдим этади.

11.2.3. Суғурта қилинган шахс вафот этган тақдирда:

а) Суғурта полиси;

б) Наф олувчининг шахсини тасдиқловчи ҳужжат;

в) ўлим тўғрисидаги гувоҳнома нусхаси.

11.3. Суғурта ҳодисаси юз берганлиги факти Суғурталовчи томонидан ЙТХ дан кейин ва фақат суриштирув (тергов) органлари ёки суд томонидан Ўзбекистон Республикасининг қонунчилигига мувофиқ тегишли равишда расмийлаштирилган ҳужжатлар асосида тан олинади. ЙТХ юз берганлиги фактини тасдиқловчи ҳужжатлар мавжуд эмаслиги ёки уларни Суғурталовчига тақдим этилиши асоссиз равишда 90 (тўқсон) кундан ортиқ муддатга кечиктирилганлиги аниқланган тақдирда, Суғурталовчи хабар қилинаётган воқеани суғурта ҳодисаси деб тан олмасликка ва суғурта тўлови тўлашни (харажатларни қоплашни) рад этишга ҳақли.

11.4. Суғурталовчи ушбу Офертанинг 6-бўлимида кўрсатилган воқеалар натижасида суғурта ҳодисаси юзага келиши эҳтимолини истисно қилиш учун қўшимча ҳужжатларни талаб қилиш ҳуқуқига эга.

11.5. Суғурта қилдирувчи томонидан суғурта ҳодисаси ҳақида хабар берилган тақдирда,



Суғурталовчи суғурта ҳодисаси белгиларига эга бўлган воқеанинг тури, сабаблари ва ҳолатларини батафсил ўрганиш учун ўз ходимини ёки даъволарни кўриб чиқиш ишониб топширилган бошқа шахсни йўллашга ҳақли.

11.6. Суғурта ҳодисаси белгиларига эга бўлган воқеанинг сабаблари ва ҳолатларини кўрсатувчи ҳужжатларга асосланган ҳолда Суғурталовчи томонидан юз берган воқеани суғурта ҳодисаси деб тан олиш ёки тан олмаслик ҳақида қарор чиқарилади. Суғурталовчи томонидан суғурта ҳодисаси тан олинган тақдирда, тарафлар томонидан Суғурта ҳодисаси тўғрисида далолатнома тузилади ва имзоланади, унда тўланиши лозим бўлган суғурта товони суммаси белгиланади.

11.7. Суғурталовчининг суғурта таъминоти тўлашни рад этиш ҳақидаги қарори барча ҳужжатлар тақдим этилганидан кейин 15 (ўн беш) кундан кечикмай Суғурта қилдирувчига/Суғурта қилинган шахсга/Наф олувчига хабар қилиниши керак ва у рад этиш асослантирилган сабабларни ичига олиши керак.

11.8. Агар суғурта ҳодисаси юзага келганлиги факти бўйича жиноят иши, маъмурий ҳуқуқбузарлик тўғрисида иш ёки фуқаролик иши қўзғатилган бўлса, Суғурталовчи тўланиши лозим бўлган суммани тўлаш ҳақидаги масалани ҳал этишни суд ёки ваколатли органлар томонидан якуний ва тегишли қарор қабул қилиниши пайтига қадар кечиктириш ҳуқуқига эга.

11.9. Суғурта ҳодисаси юз берганлигини исботлаш Суғурта қилдирувчи, Суғурта қилинган шахс ёки Наф олувчи зиммасида бўлади.

12-БЎЛИМ. СУҒУРТА ТАЪМИНОТИНИ ТЎЛАШ ТАРТИБИ

12.1. Суғурта қилинган шахс ушбу Оферта шартларига мувофиқ суғурта ҳодисаси деб тан олинанидан бахтсиз ҳодиса оқибатида тан жароҳатларини олган ва/ёки унинг соғлиғи бошқача тарзда бузилган тақдирда, суғурта таъминотининг миқдори Суғурталовчи томонидан тасдиқланган «Суғурта қилинган шахсларнинг ҳаёти ва соғлиғига етказилган зиён ўрнини қоплаш бўйича тўловлар жадвали» шартларидан келиб чиққан ҳолда, аммо персонал суғурта суммасининг 50% дан ортиқ бўлмаган миқдорда белгиланади.

Суғурта тўловлари жадвали билан (https://gross.uz/media/insurance_payout_table_ru.pdf) ҳаволаси орқали ўтган ҳолда Суғурталовчининг Интернет-сайтида танишиб чиқиш мумкин.

Агар Суғурта қилинган шахс томонидан олинган тан жароҳати Суғурта тўловлари жадвалида кўрсатилмаган бўлса, у ҳолда суғурта таъминотини ҳисоблаш учун Суғурталовчи томонидан оғирлиги даражаси бўйича яқин бўлган тан жароҳати учун суғурта суммасидан фоиз қўлланади.

12.2. Суғурта қилинган шахсга бахтсиз ҳодиса юз берган кундан эътиборан олти ой ичида ногиронлик гуруҳи белгиланган тақдирда, суғурта тўлови ушбу Офертанинг 5-бўлими 5.1.1 ва 5.1.2-бандларида кўрсатилган суғурта ҳодисалари муносабати билан илгари тўланган суммаларни ҳисобга олган ҳолда, аммо Полисда кўрсатилган персонал суғурта суммасидан ортиқ бўлмаган ҳолда қуйидаги тартибда тўланади:

- Суғурта қилинган шахсга ногиронликнинг I гуруҳи белгиланганда – персонал суғурта суммасидан 100% миқдорда;
- Суғурта қилинган шахсга ногиронликнинг II гуруҳи белгиланганда – персонал суғурта суммасидан 80% миқдорда;
- Суғурта қилинган шахсга ногиронликнинг III гуруҳи белгиланганда – персонал суғурта суммасидан 60% миқдорда.

12.3. Суғурта қилинган шахсга Полис амал қилиши даврида ногиронликнинг юқорироқ гуруҳи белгиланган тақдирда, суғурта тўлови ушбу Офертанинг 5-бўлими 5.1.1 ва 5.1.2-бандларида кўрсатилган суғурта ҳодисаси муносабати билан илгари тўланган суммаларни



ҳисобга олган ҳолда, аммо Полисда кўрсатилган суғурта суммасидан ортиқ бўлмаган миқдорда тўланади.

12.4. Суғурта қилинган шахс вафот этган тақдирда, суғурта тўлови суммаси Суғурта қилинган шахсга илгари тўланган суғурта таъминоти суммалари айириб ташланган ҳолда мазкур Суғурта қилинган шахс учун белгиланган персонал суғурта суммасининг 100% миқдорини ташкил этади.


12.5. Суғурталовчи томонидан Суғурта даври давомида айнан битта Суғурта қилинган шахс билан содир бўлган битта ёки бир нечта суғурта ҳодисаси бўйича тўланган суғурта тўловининг умумий суммаси унинг Полисда кўрсатилган персонал суғурта суммасидан ошмаслиги керак.

12.6. Суғурта тўлови Суғурта ҳодисаси тўғрисидаги далолатнома имзоланган кундан эътиборан 5 (беш) банк куни ичида тўлаб берилади.

13-БЎЛИМ. НИЗОЛАРНИ ҲАЛ ҚИЛИШ ТАРТИБИ

13.1. Ушбу Офертада назарда тутилган ёки у билан боғлиқ масалалар юзасидан низолар, талаблар ёки келишмовчиликлар юзага келган тақдирда, тарафлар уларни музокаралар йўли билан ҳал қилиш чораларини кўради.

13.2. Ушбу Офертадан келиб чиқадиган ёки у билан боғлиқ, шу жумладан унинг ижро этилиши, бузилиши, тугатилиши ёки ҳақиқий эмаслигига тааллуқли низолар ёки келишмовчиликларни музокаралар йўли билан ҳал қилиш мумкин бўлмаган тақдирда, улар Ўзбекистон Республикасининг амалдаги қонунчилигига мувофиқ ҳал қилиниши лозим.





«AVTO-MED» БАХТСИЗ ҲОДИСАЛАРДАН
СУҒУРТА ҚИЛИШ УЧУН ОММАВИЙ ОФЕРТА

FK-65/K1
9-бет 9 бетдан
19.04.2024 й.

2024 йил __ апрелдаги
«AVTO-MED» бахтсиз ҳодисалардан
суғурта қилиш учун оммавий офертага
илова

«AVTO-MED» СУҒУРТА ПОЛИСИНИНГ
НАМУНАСИ



Полис серияси ва рақами: EGA 0000000
Полис берилган сана: __.__.__

«AVTO-MED» бахтсиз ҳодисалардан суғурта қилиш учун
СУҒУРТА ПОЛИСИ

Ушбу Полис «AVTO-MED» бахтсиз ҳодисалардан суғурта қилиш оммавий офертага (ушбу маҳсулот билан Полисининг қўйи қисмида келтирилган QR-кодда кодланган иловадан ўтган ҳолда танишиш мумкин) мувофиқ расмийлаштирилган бўлиб, Суғурталовчининг қуйидагилар ҳақидаги мажбуриятларини тасдиқлайди:

1	Суғурта қилдирувчи:	
2	Суғурта қилдирувчининг телефон рақами:	+998
3	Суғурта қилинган шахс:	
4	Суғурта қилинган шахснинг туғилган санаси:	
5	Суғурта қилинган шахснинг ID (паспорт) серияси ва рақами:	
6	Суғурта даври:	_____ дан _____ мобайнида
7	Суғурта дастури:	
8	Суғурта суммаси:	
9	Суғурта мукофоти:	

Суғурта полисини текшириш учун
мобил қурилмасидан QR-кодни
сканерлаб олинг

Суғурта офертаси билан танишиш
учун мобил қурилмасидан QR-кодни
сканерлаб олинг

Туну кун ишлайдиган Мижозларни қўллаб-қувватлаш маркази билан
1166 телефон рақами орқали боғланиш мумкин